

alter. 120. jar.



ND Mose gieng von dem gefilde der Moabiter / auff den berg Nebo / auff die spitze des gebirgs Pisga / gegen Jericho vber / Vnd der HERR zeigt jm das ganzeland Gilead bis gen Dan / vnd das ganze Naphthali / vnd das land Ephraim vnd Manasse / vnd das ganze land Juda / bis an das eusserste Meer / vnd gegen Mittag / vnd die Gegend der breite Jericho der Palmenstad bis gen Soar. Vnd der HERR sprach zu jm / Dis ist das Land / das ich Abraham / Isaac vnd Jacob geschworen habe / vnd gesagt / Ich wil es deinem Samen geben / Du hast es mit deinen augen gesehen / Aber du solt nicht hin vber gehen. Deut. 3. Ge. 12. 15.

Mose
stirbt.

120
Also starb Mose der knecht des HERRN daselbs / im Lande der Moabiter / nach dem wort des HERRN. Vnd er begrub jm im Tal im Lande der Moabiter / gegen dem hause Peor / vnd hat niemand sein Grab erfahren / bis auff diesen heutigen tag. Vnd Mose war hundert vnd zwenzig jar alt / da er starb / Seine augen waren nicht tuncfel worden / vnd seine krafft war nicht verfallen. Vnd die kinder Israel beweineten Mose im gefilde der Moabiter / dreissig tage / vnd wurden volendet die tage des weinens vnd klagens vber Mose. Mose alt 120 jar. Deut. 31.

120
Josua aber der son Nun ward erfüllet mit dem Geist der weisheit / Denn Mose hatte seine hende auff jm gelegt / Vnd die kinder Israel gehorchten jm / vnd thaten wie ber HERR Mose geboten hatte. Vnd es stund hin surt kein Prophet in Israel auff / wie Mose / den der HERR erkennet hette von angesicht / zu allerley Zeichen vnd Wunder / dazu in der HERR sandte / das er sie thete in Egyptenland / an Pharaon vnd an allen seinen Knechten / vnd an allen seinem Lande / vnd zu aller dieser mechtiger Hand vnd grossen * Gesichten / die Mose thet sur den augen des ganzen Israels. Mij / Schrecken.

Ende der Bücher Mose.

Nach dem